

永樂大典

卷〇二七三九 崔字

卷〇二七四〇 崔字

卷〇二七四一 崔字

卷〇二七四二 崔字

永樂大典卷之二千七百三十九

八灰

崔

崔邠

唐書列傳。字虞仁。清河武城人。祖結父倭。官卑。新唐書列傳。三世一變。當時言治家者。推其法。王德用獻賦所在。肅宗異其

文。位吏部侍郎。邠少舉進士。又登賢良方正科。貞元中。授渭南尉。遷拾遺補闕。常疏論裴延齡為時所知。以兵部員外郎知制誥。至中書舍人。凡七年。又擢知吏部選事。明年為禮部侍郎。轉吏部侍郎。賜以金紫。邠溫裕沈密。尤敦清儉。上亦器重之。裴均將引為相。病難於承荅。事竟寢。兄弟同時奉朝請者四人。頗以孝敬怡睦聞。後改太常卿。知吏部尚書銓事。故事太常卿初上。大閱四部樂於署。觀者縱焉。邠自私第去帽親導母輦。公卿達者迎騎避之。衢路以為榮。居母憂。歲餘卒。元和十年三月也。時年六十二。贈吏部尚書。謚曰文簡。第邠。邠等六人。新唐書列傳。弟邠。邠。邠。子

璿。璿。璿子彥融。皆進士第。歷位臺閣。

崔郾

舊唐書列傳郾字廣略。舉進士。平判入等。授集賢殿校書郎。三

歲之終。不可捨。不知者以爲事高簡。拘靜默耳。居內憂。擇服爲吏部員外。姦吏不敢欺。孤寒無援者。未嘗留滯。銓叙之美。爲時所稱。再遷左司郎中。元和十三年。鄭餘慶爲禮儀詳定使。選時有禮學者共事。以郾爲詳定判官。吏部郎中。十五年。遷諫議大夫。穆宗即位。荒於禽酒。坐朝常晚。郾與同列鄭覃等。延英切諫。穆宗甚嘉之。改遊稍簡。新唐書列傳郾進曰。十一聖之功德。四海之大。萬國之衆。其治共亂。繫於陛下。自山以東。百城地千里。昨日侍之。今日失之。西望我皇。宗廟十舍。百姓憔悴。畜積無有。願陛下親政事。以申天下。帝動容慰謝。長慶中。轉給事中。昭愍即位。選侍講學士。轉中書舍人。入思政殿謝恩。郾奏曰。陛下用臣爲侍講。半歲有餘。未嘗問臣經義。今蒙轉改。實慙尸素。有愧厚恩。帝曰。朕機務稍閑。即當請益。高鉞曰。陛下意雖樂善。既未延接儒生。天下之人。寧知重道。帝深引咎。賜之錦綵。郾退。與同列高重。抄撮六經嘉言要道。區分事類。凡十卷。名曰諸經纂要。冀人主易於省覽。上嘉之。賜錦綵二百匹。銀器等。其年轉禮部侍郎。東都試舉人。凡兩歲。掌貢士。平心閱試。賞拔藝能。所擢者無非名士。至大中

咸通之伐。爲輔相名卿者十數人。出爲陝州觀察使。舊弊有上供不足。秦吏俸以益之。歲八十萬。郾以廉使常用之。直代之。新唐書刊傳。郾曰。夫不能聽私。安暇恤民。吾不能獨治。安得自封。即以庸常費代之。人詔賦粟輸大倉者。歲數萬石。民困於輸。則入輦而致之河。郾乃旁流爲大敦。受粟實

而注諸牘。民悅。忘輸之勞。居二年。政績聞於朝。遷鄂岳安黃等州觀察使。又五年。移浙江西道都團練觀察使。至用寬政安疲人。及居鄂渚。則峻法嚴刑。未常賞一死罪。江湖之間。荏蒹是叢。因造蒙衝小艦。上下千里。菴月而盡獲群盜。凡三按廉車。率由清簡少事。財用有餘。人遂寧泰。開成元年辛。年六十九。贈吏部尚書。諡曰德。新唐書列傳。郗不藏焚。有輒周給親舊。高洽其承喪。居家怡然。不訓子弟。自化。室處庠漏。無步廡。主寢薄。則客盡而反。以就外位。治號以寬。經月不督一人。及位鄂。則嚴法峻誅。一不貸。或問其政。曰。陟上庸而民勞。吾撫之不暇。猶恐其後。郗王沃民割。雖以

夷俗。非用威莫能治。政所以貴知變者也。聞者服焉。郾與兄弟鄆等皆有令譽。而郾疎財恢廓。昆仲所不及。子璿。璵。璠。璣。璩。璫。大和三年登進士第。出佐藩方。入升朝列。累至中書舍人。大中六年。知貢舉。旋拜禮部侍郎。出爲浙西觀察使。又遷鄂州刺史。鄂岳觀察使。終於位。璵。璠。璣。璩。官至郎署。

給諫瑾。大中十年登進士第。累居使府。歷尚書郎知制誥。咸通十三年知貢舉。選拔頗爲得人。尋拜禮部侍郎。出爲湖南觀察使。杜牧樊川集唐故銀青光祿大夫檢校禮部尚書御史大夫充浙江西道都團練觀察處置等使上柱國清河郡開國公食邑二千戶贈吏部尚書崔公行狀。曾祖某皇任醴泉縣令。祖某皇任太子中允贈右散騎常侍。父某皇任檢校吏部郎中兼御史中丞袁州刺史贈太師公諱某字某風儀秀偉神氣深厚。即之如鑑望之如春。既冠識者知不容於風塵矣。貞元十二年甲第。十六年平判入等授集賢殿校書郎陝號觀察使崔公琮願公爲賓而不樂之。孳辭載幣。使者數反。公徐爲起之。且曰。不聞上聞攝職可也。爰署爲觀察巡官。後轉京兆府鄠縣尉。遷監察御史侍御史刑部員外。丁邠國太夫人憂。杖而能起。人有聞焉。外除拜吏部員外郎判南曹事。千人百族必應進而進。公親自挾格。省法必留。戾程必黜。每懸勝舉。富室權家。汗而仰視。不敢出口。宿吏逡巡。縛手係舌。顧措一姦。不能得之。凡二年遷左都郎吏部郎中。加朝散大夫。旋拜諫議大夫兼知樞密。穆宗皇帝春秋富盛。稍以畋遊聲色爲事。公晨朝正殿。揮同列進而言曰。十一聖之功德四海之大。萬國之衆。之治之亂。懸於陛下。自山已東百城千里。昨日得之。今

日失之。西望戎壘。距宗廟十舍。百姓憔悴。蓄積無有。願陛下稍親政事。天下幸甚。誠至氣直。天子爲之動容歛衽。慰而謝之。遷給事中。敬宗皇帝始即位。旁求師臣。今相國奇章公上言曰。非公不可。遂以本官充翰林侍講學士。命服金紫。旋拜中書舍人。仍兼舊職。侍帝郊天。加銀青光祿大夫。高承簡罷鄭滑節度使。滑人叩闕乞爲承簡樹政德碑。內官進曰。翰林故事。職由掌詔學士。上曰。承簡功臣胤也。治吾咽喉地。克有善政。罷而請紀人深矣。吾以師臣之辭。且寵異焉。居數月。魏博節度使史憲誠拜章爲故帥田季安樹神道碑。內官執請。亦如前辭。上曰。魏北燕趙。南控成臯。天下形勝地也。吾以師臣之辭。且慰安焉。居數月。陳許節度使王洙拜章。乞爲亡父樹神道碑。內官執請如前辭。上曰。許昌天下精兵處也。俗忠風厚。洙能撫之。吾視如臂。吾以師臣之辭而彰其忠孝焉。是三者皆御割命公。令刻其辭。恩禮親重。無與爲比。歷歲願出守本官。辭懇而遂。禮部缺侍郎。上曰。公可也。遂以命之。二年。選士七十餘人。大抵後浮華先材實。轉兵部侍郎。今上即位四年。公亟請於丞相閻曰。願得一方疲人而治之。除陝虢觀察。使兼御史大夫。先是陝之官。人人必月剋俸錢五千。助輸貢于京師者。歲至八十萬。公曰。官人不能贍私。安能卹民。吾不能獨治。安可自封。即以

常給廉使雜費。下至于鹽酪膏薪之品。十去其九。可得八十萬。歲爲代之。官人感悅。隨治短長。不悉爲欺。萬國西走。陝實其衝。復有江淮梁徐許蔡之戍兵。北出朔方。上郡回中。汧隴間踐。更往來不虛。一時民之供億吏須。必應生活之具。至于鉶並亡。是常碎於四方之手。公曰。此猶吏炬以焚民也。於是節宴賞。截浮費。凡金漆陶木絲枲之用。悉爲具之。可饗數千人。民一不知。復有詔旨。又稅粟輸太倉者。歲數萬斛。始歛民也。速速近近就積佛寺。終輸于河。復籍民而載之。民之巨牛大車。半頓于路。前政咸知之。計不能出。公曰。管仲曰。粟行五百里。民有飢色。斯言粟重物也。不可推遷受其弊。況今迂直之計。有不翅音試五百里乎。公乃大索有無。親籌而計之。北臨黃河。樹倉四十間。穴倉爲漕。下注爲舟。因隙賞直。不敗時務。自此壯者斛。幼者斗。負挈囊委倉而去。不知有輸。他境之民。越逸奔走。駢軫爭關。願爲陝民。政成化行。上國下國。更口讚頌。凡二年。改岳鄂安黃靳申等州。觀察使。囊山帶江。三十餘城。繚繞數千里。洞庭百越。巴蜀荆漢。而會注焉。五十餘年。北有蔡盜。於是安鑠三關。鄂練萬卒。皆僉楚善戰。沒有戰風。稱爲難治。有自來矣。公使臨之。簡服伍旅。脩理械用。親之以文。齊之以武。大創廳事。以張威容。造蒙衝小艦。上下千里。武士用命。盡得郡盜。公曰。劫于

水者以盡殺爲習。雖值僮耆而無捨焉。比附他盜。刑不可等。於是一死之內。必累加之。盜相誡曰。公之未去。勿觸其境。然後黥棄奸冒。用公法也。升陟廉能。用公舉也。撫護窮約。用公惠也。豪商大賈。不得輕侵。不得隱田。父子兄弟。不得同敗於闔境之內。有餘不足。自公而均。後建立儒官。置博士。設生徒。粟餼必具。頑墮必遷。敬讓之風。人知家習。八年秋。江水漲溢。公曰。安得長堤而禦之。言訖。軍士齊民。雲錦雨杵。一揮立就。令行恩結。有如此者。千里之內。如視堂廡。雖僻左下里。歲臘。男子必以鷄黍饋。女子能以簪珥相問遺。富樂歡康。肩於治右。凡五年。遷浙江觀察。使加禮部尚書。公曰。三吳者。國用半在焉。因高爲旱。因下爲水者。六歲矣。輕賦兵役。不減於民。上田沃土。多歸豪強。苟悅所謂。公家之患。優於三代。豪強之酷。甚於亡秦。今其是也。料民等第。稽地沃瘠。均其征賦。一其徭役。經費宴賞。約事裁節。民有宿逋。不可減於上供者。必代而輸之。誠禱山川。歲獲大稔。復曰。衣冠者。民之主也。自艱難以來。軍士得以氣加之。商賈得以財侮之。不能自奮者。多栖於吳土。遂立延賓館以待之。苟有一善行。必接盡禮。因訪里閭。益知民之疾苦。隨以治之。才逾暮歲。而吳民復振。開成元年十月二十日。薨于治所。多士相弔曰。使公相天子。貞觀開元之俗。可期而見也。豈公不

幸實生民之不幸也。主上痛悼。輟朝一日。贈吏部尚書。公生得靈和。自干名立朝。爲公卿。爲侯伯。未嘗湏臾間汲汲牽率。欲顯名合朝。而仁義忠信。明智恭儉。鬱積發溢。自然相隨。不立約結。而善人自親。不設溝壘。而不肖自遠。不志於榮達。而官位自及。公內外閥閱。源派清顯。拔於甲族。而復甲焉。親昆仲六人。皆至達官。公與伯元季弟第五。司禮聞再入吏部。自國朝以來。未之有也。上至公相方伯。下及再命一命幕府附陪吏之屬。徧滿內外。皆公門生。公俯首益恭。如孤臣客卿。惕惕而多畏也。自爲重鎮。苞苴金幣之貨。不至權門。親戚故舊。周給衣食。畢其婚喪。悉出俸錢。不以家爲在家。怡然。未嘗訓勉子弟自化。皆爲名人。居室卑庠。不設步廊。賓至值雨。則張蓋躡屐而就于外位。初鎮于陝。或束提。經月不鞭一人。至于驛馬令。五歲率全則爲代之。著爲定制曰。致一物於必窮之地。君子不爲。其爲仁愛而臻於此。及遷鎮鄂。著嚴浚刑法。至於誅罰。未嘗貫一等。後一刻。或問於公曰。陝鄂之政。不一。俱臻於治何也。公曰。陝之土瘠民勞。吾撫之不暇。尚恐其隳。鄂之土沃民剽。雖以夷俗。非用威刑。莫能致治。政貴知變。蓋爲此也。聞者服焉。嗚呼。公之德行材器。真哲人君子。沒而不朽者也。易名定謚。爲國常典。敢書先烈達于執事。附于史氏云爾。謹狀。

崔鄴

舊唐書列傳鄴少有文學。舉進士。元和中。歷監察御史。大和元

年十月。自太子詹事。拜左金吾衛大將軍。鄴昆弟六人。任官皆至三品。鄴鄴鄴三人。知貢舉。掌銓衡。冠族問望。爲時名德。鄴大和九年冬。爲左金吾大將軍。無病暴亡。新唐書列傳以韓約代之。不聞見。李訓亂。約

元孫難。不旬日有訓注之亂。其亂始自金吾。君子乃知鄴之亡。崔氏積善之徵也。贈禮部尚書子瑄。

崔鄴

舊唐書列傳鄴登進士第。累遷監察御史。三遷考功郎中。大和三年。以本官充翰林學士。轉中書舍人。六年。罷學士。八年。爲工

部侍郎。集賢殿學士。權知禮部。其拜兵部侍郎。本官判吏部東銓事。文宗勤於政道。每苦選曹訛獎。延英謂宰臣曰。吏部殊不選才。安得據實無濫。可釐革否。李石對曰。令錄可以商量。他官且宜循舊。如配官耳。賢不肖。安能甄別。帝召三銓。謂之曰。卿等比選。令錄如何注擬。鄴對曰。資叙相當。問其爲治之術。視可否而擬之。帝曰。依資合得。而才劣者何授。對曰。與邊遠慢官。帝曰。如以不肖之才。治邊民。則疾苦可知也。凡朝廷求理。遠近皆湏得人。苟非其才。人受其弊矣。尋拜吏部侍郎。開成二年。出爲宣州刺史。兼御史中丞。宣歙觀察使。四年。入爲太常卿。七月。以本官同中書門下平章。

事。尋加中書侍郎。銀青光祿大夫。會昌初。李德裕用事。與郾弟兄素善。郾在相位累年。歷方鎮太子師保卒。新唐書列傳。郾及進士第。補渭南尉。累

除刑部郎中。出副杜元穎西川節度府。召入為工部侍郎。集賢殿學士。再遷吏部侍郎。由宣歙觀察使。入為太常卿。文宗末。擢同中書門下平章事。

改中書侍郎。罷為劍南西川節度使。宣宗初。以檢校尚書左僕射。同平章事。節度淮南。卒于軍。崔氏四世總麻同襲。兄第六人。至三品。郾弟元為

禮部五。吏部再。唐興無有也。居光德里。構便齋。宣宗聞而歎曰。郾一門孝友。可為士族法。因題曰德星堂。後京兆民即其理為德星社云。楊正衡音

義。郾於慍切。郾須倫切。郾多寒切。釵與職切。艸作勞切。舟也。歌。辟。丈。切。疾也。庫省。獨切。廡。同。庸切。堂下。周屋。淖。奴教切。泥也。履。奇。逆切。喬也。瘠。七。亦

切。土。薄。

崔衍

舊唐書列傳左丞倫之子。新唐書列傳衍。字者。深州安平人。父

進士第。歷吏部員外郎。安祿山反。陷于賊。不污偽官。使子弟問來賊事。賊

處于使吐蕃。有背約留二歲。執倫至涇州。逼爲書約城中降。倫不從。更曰
運婆城。閱六歲。終不屈。乃許還。代宗見之。爲感動鳴咽。即具陳虜情。偏山
川險易。指畫帝前。人服其詳。還尚書左丞。以疾改太子賓客。辛年七十一。
贈工部尚書。諡曰敬。衍。天寶不擢明經。調富平尉。繼母李氏不慈於衍。衍
時爲富平尉。倫使于吐蕃。久方歸。李氏衣弊衣以見倫。倫問其故。李氏稱
自倫使于蕃中。衍不給衣食。倫大怒。召衍責詬。命僕隸拉于地。袒其背。將
鞭之。衍涕泣終不自陳。倫第設聞之。趨往以身蔽衍。杖不得下。因大言曰。
衍每月俸錢。皆送嫂處。殷所具知。何忍乃言衍不給衣食。倫怒乃解。由是
倫遂不聽李氏之譖。及倫卒。衍事李氏益謹。李氏所生子郃。每多取于母
錢。使其主以契書徵負于衍。衍歲爲償之。故衍官至江州刺史。而妻子衣
食無所餘。後歷蘇號二州刺史。號居陝華二州之間。而稅重數倍其青苗
錢。華陝之郊畝。出十有八。而號之郊畝徵七之十。衍乃上其事。時裴延齡
領度支。方務聚歛。乃給衍以前後刺史無言者。衍又上陳人困。曰。臣所部
多是山田。且當郵傳衝要。屬歲不稔。頗甚流離。舊額賦租。特望蠲減。臣伏
見比來諸郡。論百姓閒事。患在長吏因循。不爲申請。不詣實。不惠朝廷。不
矜放。有以不言受譴者。未有言而獲罪者。陛下拔臣牧大郡。委臣撫疲民。

臣所以不敢顧望。苟求自安。敢罄狂瞽。上干聖覽。帝以衍詞理切直。乃特
勅度支令臧號州青苗錢。遷宣歙池觀察使。政務簡便。人頗懷之。其所擇
從事。多得名流。時有土者。待賓僚率輕傲。衍獨加禮敬。幕中之士。後多顯
達。貞元中。天下好進奉以結主恩。徵求聚歛。州郡耗竭。韋臯劉贊裴滿滿
之旨。贊死。而衍代其位。衍雖不能驟革其弊。居宣州十年。頗勤儉。府庫盈
溢。及穆贊代衍。宣州歲餽。遂以錢四十二萬貫代百姓稅。故宣州人不至
流散。貞元二十一年。詔加工部尚書。新唐書列傳衍儉約果法。室無妾媵。
祿稍周於親族。莫埋嫁娶。衍以濟者數十家。及卒。不能藏喪。未諸朝。賜賜
帛三百段。本果稱之。先是天下以進奉結主恩。州歲耗竭。韋臯劉贊裴滿
滿之倡。贊死。衍代之。舊實金錫凡十八品。皆陪直布于州。民產多逃去。衍
至。蠲革之。居十年。嘗用度。府庫充。衍及穆贊代。州以錢四十萬餽。賦
秋雖旱。人下流捐。由衍蓄積有素也。路應高觀察使。以衍有忠。在民言。或。
元和元年。詔書褒美。
賜一子官云。謚曰懿。

崔弘禮

舊唐書列傳字從周。博陵人。北齊懷遠之七代孫。祖育常。
州江陰令。父孚。湖州長城令。弘禮風貌魁偉。磊落有大志。

舉進士。累佐藩府。官至侍御史。元和中。呂元膺爲東都留守。以弘禮爲從事。時淮西吳少陽初死。吳元濟阻兵拒命。山東反側之徒。爲之影援。東結李師道。謀襲東洛。以脅朝廷。弘禮爲元膺籌畫。部分兵衆。以固東都。卒亦無患。累除汾州諱州刺史。會田弘正請入覲。請副使。乃授弘禮衛州刺史。充魏博節度副使。歷鄭州刺史。長慶元年。劉總入覲。張弘靖移鎮范陽。復加弘禮檢校左散騎常侍。充幽州盧龍軍節度副使。未及境。幽鎮兵亂。改爲絳州刺史。明年。汴州李介反。急詔追弘禮爲河南尹。兼御史大夫。東都畿汝都防禦副使。介平。遷河陽節度使。整練戈甲。頗壯戎備。又上言。請於秦渠下闢荒田二百頃。歲收粟二萬斛。詔皆從之。以疾連表請代。數歲。拜檢校戶部尚書。華州刺史。會天平軍節度使烏重胤卒。朝廷難其人。復以弘禮爲天平軍節度使。仍詔即日乘遞赴鎮。文宗即位。就加檢校左僕射。理鄆三載。改授東都留守。仍遷刑部尚書。詔赴關。以疾未至。大和四年十月。復除留守。是歲十二月辛。年六十四。贈司空。弘禮少時專以個儻意氣自任。通涉兵書。留心軍旅之要。用此累更選用。歷踐藩鎮。所居無可尚之績。雖結營有素。然善治生蓄積。物議少之。新唐書列傳。弘禮系出博陵。北齊左僕射懷遠六世孫。磊磊有大志。通兵畧。過宣武。從劉玄佐獵夷門。玄

佐酒酣。顧曰。崔生獨不知此樂邪。弘禮笑曰。我固喜武。請爲公歡。玄佐臂鷹與弘禮馳逐。急緩在手。一軍驚曰。安得此奇客。玄佐大悅。欲留之。固辭。厚爲資餉。至京師。所善李觀病且死。弘禮彈指爲治喪。葬畢乃去。及進士第。平判異等。靈武李樂表爲判官。以親老不應。更署東都留守。呂元膺參謀。時天子討蔡。李師道謀襲洛。脅沮朝廷。以釋蔡危。弘禮爲指搃賊情。部分設張。東都卒無患。遷留守判官。推忻汾二州刺史。田弘正請朝。表弘禮使衛州兼魏博節度副使伐李師道。弘正多所咨。逮還魏博。又表爲相州刺史。長慶初。張弘靜鎮幽州。詔弘禮往副。未及行。軍亂。改絳州刺史。李弁反于汴。詔徙河南尹。倚以得賊。遷河陽節度使。治河內。秦渠溉田千頃。歲收八萬斛。徙華州刺史。改天平節度使。李同捷叛。與李聽合師討之。至濮州。大將李萬瑀劉宋擁兵自固。弘禮表萬瑀守沂州。宋守黃州。奪其兵。擊賊禹城。破之。獲鎧裝數十萬。時徐泗節度使王智興檄兗海鄆曹淄青當徐道者出車五十乘。轉粟饋軍。弘禮度道遠。乃自充開育山故渠。自黃隊抵青丘。師人大濟。李祐以鄆滑兵三千入齊而潰。弘禮悉斬之。爲出鄆兵二千。祐遂大破賊。尸藉十餘里。祐望鄆拜曰。活我者崔公也。加檢校尚書左僕射。徙東都留守。召還。以病自乞。改刑部尚書。復爲留守。卒年六十五。

贈司空弘禮短於治民。少愛利。晚頗務多積。素議玃之。

楊正衡音義稱其廉切奢也。齊古拜切。玃。疾移切。土病。

崔玄亮

舊唐書列傳。字晦叔。山東慈州人也。玄亮。貞元十一年登進士第。從事諸侯府。性雅澹。好道術。不樂趨競。父遊江湖。

至元和初。因知己薦達入朝。再遷監察御史。轉侍御史。出為密湖曹三郎。

刺史。每一遷秩。謙讓輒形於色。新唐書列傳。父喪。哀高郵。外官錄制。地下。

濕。因得痺病。不樂進取。元和初。召為監察御史。累轉駕部員外郎。清慎介。

特。澹如也。稍遷靈敏。二州刺史。飲人馬牛。主駒犢。官籍蹄數。故吏得為姦。

玄亮襲其籍。一不問。民山。歲輸租者苦之。下令許計斛輸錢。民賴其利。大。

和初。入為太常少卿。四年。拜諫議大夫。中謝日。面賜金紫。朝廷推其名望。

遷右散騎常侍。末年宰相宋申錫為鄭注所構。獄自內起。京師震懼。玄亮。

首率諫官十四人。詣延英請對。與文宗往復數百言。文宗初不省其諫。欲。

寘申錫於法。玄亮泣奏曰。孟軻有言。眾人皆曰殺之。未可也。卿大夫皆曰。

殺之。未可也。天下皆曰殺之。然後察之。方寘於法。今至聖之代。殺一凡庶。

尚須合於典法。况無辜殺一宰相乎。臣為陛下惜天下法。實不為申錫也。

言訖。俯伏鳴咽。文宗為之感悟。玄亮繇此名重於朝。七年以疾求為外任。

宰相以弘農便其所請。乃授檢校左散騎常侍號州刺史。是歲七月卒於郡所。中外無不歎惜。新唐書列傳卷六十六。贈禮部尚書。玄亮晚好黃

老清靜術。故所居官未久輒去。遺言山東士人利便。追皆英兩都。吾族本舊遠。當歸英。登陽。正首丘之義。諸子如命。始玄亮登第。紀亮寅亮相次昇

進士科。藩府辟召。而玄亮最達。玄亮孫貽孫位至侍郎。自居易長慶集唐故號州刺史。贈禮部尚書崔公墓誌銘并序。唐有通四科達三教者。曰惟

崔公。公諱玄亮。字晦叔。其先世於炎帝。至裔孫穆伯受封于崔。因而命氏。漢初始分爲清河博陵二祖。故其後稱博陵人。曾祖悅。洛州司戶參軍。贈

太子少保。祖光迪。贈贊善大夫。考抗。楊州司馬兼通事舍人。贈太子少師。妣太原王氏。贈晉陽郡太夫人。公即少師季子。解褐補秘書省校書郎。宣

越二府。奏授協律郎。大理評事。朝廷知其才。徵授監察轉殿中歷侍御史。膳部駕部員外郎。洛陽令。密州刺史。公既至密。密民之凍餒者賑恤之。疾

疫者救療之。胔骸未殯者命美藏之。男女過時者趨嫁娶之。三月而政立。二年而化行。密人悅之。發於謠詠。換歛州刺史。其政如密。先是歛民畜馬

牛而生駒犢者。官書其數。吏緣爲姦。公既下車。盡焚其籍。厚息貨易。一無所問。先是歛民居山險而輸稅米者。擔負跋涉。勤苦不支。公許其計。斛納